

30 Augustus 2012

Jaargang 5 – Uitgawe 30

In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Positief oor die Nederduitsch Hervormde Kerk van Afrika

Die Kerk en die Bybelgenootskap van Suid-Afrika (=BSA) bied aan ons as Organiserende Sekretarisse van die BSA die geleentheid om alle gemeentes van die NHKA binne ons landsgrense te bedien.

Ons besoek jaarliks soveel gemeentes en ringsvergaderings moontlik en ry elkeen vir hierdie doel gemiddeld ongeveer vierduisend kilometer per maand. Wat hierdie besoeke besonders maak, is die feit dat ons die ampsdraers en lidmate van die Kerk leer ken, daar waar dit saak maak – waar hulle werk binne hul unieke gemeentes, gemeenskappe en besondere omstandighede. Verder handhaaf ons ook deurlopende kontak met predikante, gemeentes en individue deur middel van gereelde korrespondensie en telefoongesprekke. Hierdie konstante kontak gee ons die geleentheid om 'n wyer perspektief en iets van 'n geheelbeeld van die NHKA te verkry.

Ons belewenis van die NHKA is baie beter as wat dit in die media en selfs in kerklike publikasies voorgestel word. Oral waar ons met lidmate en predikante te doen kry, ontmoet ons opregte gelowige mense wat met liefde en ywer saam leef en werk in die Koninkryk. Tydens eredienste, vergaderings en ander geleenthede word ons herhaaldelik bewus van die roepingsbewustheid wat daar by ons Kerk se predikante en lidmate leef. Daar is werklik 'n positiewe gesindheid teenoor die verspreiding van die Woord van God aan almal!

Daar is binne ons Kerk soveel om voor dankbaar te wees. Die Kerk bied 'n geestelike tuiste vir duisende mense wat op 'n besondere wyse iets kan ervaar van die wonderlike liefde wat God aan ons bewys het deur Jesus Christus. Ons ervaar die mooiste harmonie, liefde en eensgesindheid in soveel gemeentes – 'n bevestiging dat die Heilige Gees nog steeds elke dag besig is om ook in en deur die NHKA te werk. Ten spyte van die hartseer, onrus en bekommernis, waarvan ons baie deeglik kennis dra, is die algemene belewenis op gemeentevlak so oorweldigend positief dat ons nie anders kan nie as om hierdie perspektief ook met ander te deel.

Ons bede is dat die Heer van die kerk ons sal help om al hoe meer te besef hoe oneindig groot sy liefde vir elkeen van ons is. Mag die NHKA voortgaan om Kerk van Christus te wees te midde van 'n donker en gebroke wêreld. Mag die Heilige Gees die eenheid tussen ons lidmate, gemeentes en predikante versterk, sodat ons saam sal bly groei, leef en werk aan die uitbreiding van die Koninkryk!

Kom ons wees vir 'n keer weer opnuut dankbaar vir die gemeenskaplike opdrag, missie en doel wat ons aan mekaar bind. Kom ons strew wees opnuut daarna om die Woord van God eensgesind aan alle mense te versprei – tot aan die uithoeke van die aarde! Kom ons gaan fokus weer opnuut op dit wat positief, goed, opbouend, prysenswaardig en edel is! Mag God daardeur verheerlik word!

Drr Kálmán Papp en Stephan Hoffman
Organiserende Sekretarisse:
Bybelgenootskap van Suid-Afrika

Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

PREDIKANTE EN GEMEENTES

Stuur asseblief berigte oor lief en leed aan produksie@nhk.co.za.

- **Mev Kootjie Nel**, vrou van emerituspredikant ds Louis Nel, is die middag van Maandag 27 Augustus in sy arms oorlede. Die roudiens vind plaas op Dinsdag 4 September om 11:00 vanuit **Gemeente Bellville**, en sal gelei word deur ds Etienne Verhage. Ons innige simpatie gaan aan ds Nel en hul familie.



Mnr Louis Venter

- **Louis Venter**, broer van wyle Anna Venter (lank hoof van Oudit by die Sinodale Kerkkantoor), is op Donderdag 16 Augustus oorlede. Sy gesondheid het die afgelope maande gereelde terugslae beleef. Hy sou op 30 November vanjaar 75 jaar oud gewees het. Die dankdiens ter ere van sy lewe is op Vrydag 24 Augustus uit sy tuisgemeente, **Wonderboom**, gehou. Hy sal gemis word, veral vir sy onbaatsugtige liefde, hulpvaardigheid en lekker stories. Ons innige meelewing gaan aan sy familie en vriende.



Oudl Joe Robbertse

- **Oudl Joe Robbertse** van **Gemeente Magaliesmoot** is Sondag 19 Augustus oorlede. Joe Robbertse was een van daardie mense wat dadelik 'n impak op jou gemaak het. Bloot sy teenwoordigheid het jou van hom laat kennis neem. Sy insig, harde werk en leierskap het in enige geselskap uitgestaan. Hy het deur die jare reusewerk in die gemeente verrig en het dikwels ook in die ring van Pretoria-Noord bydraes gelewer. Hy het die gemeente ook by AKV's verteenwoordig. Ds David Barnard sê dat oudl Robbertse met sy afsterwe 'n baie groot leemte laat. Die bakens en monumente wat hy opgerig het, hetsy fisies of geestelik, sal mense egter altyd bybly. Ons innige simpatie gaan aan die familie.

- **Elise Hoek**, een van die vier dogters van wyle prof Pieter Hoek (wat op 4 Maart vanjaar oorlede is), is Maandagaand 20 Augustus aan longontsteking oorlede. Elise was lidmaat van **Gemeente Pretoria** en het met oorgawe deelgeneem aan gemeentefunksies. Haar en haar suster, Hester Hoek, se liefde vir hul moedertaal en kultuur het deeglik uit die voordrag van digwerke en die sing van liedere geblyk. Elise was nie net 'n kultuurmens nie, maar het kinderlik gelowig haar band met die Hervormde Kerk gekoester. Elise se begrafnisdienste het die afgelope Maandag, 27 Augustus, plaasgevind, gelei deur dr Hennie van Deventer by Ons Tuis.



Prof Yolanda Dreyer

- **Prof Yolanda Dreyer** het Dinsdagaand 28 Augustus haar **intreerede** as Hoof: Departement Praktiese Teologie gelewer. Dit is die grootste departement in UP se Fakulteit Teologie, en die Hervormde Kerk kan trots wees dat een van ons professore as hoof van die Departement aangewys is. Die titel van haar referaat was *Transvaluation of values in Practical Theology – a circular movement*. Die bedankings is daarna gedoen deur die Dekaan, prof Johan Buitendag.

- **Gemeente Sannieshof** het op Sondag 26 Augustus hul **nuwe onthaalsentrum** ingewy. Dr Daan van Wyk (jr) het by die geleentheid gesê dat min kerke tans nog bouprojekte aanpak. Die projek spreek van die entoesiasme en ywer van die Sannieshoffers. Gelukwense is ook oorgedra deur oudl Willie Manders (namens die Ringskommissie) en raadslid Carin Visser (namens die gemeenskap van Sannieshof). Die onthaalsentrum, wat meer as 1 000 mense kan huisves, vul 'n groot leemte in Sannieshof. Die ingang is uniek versier met 'n besondere kunswerk van drie engele wat met hul trompette die wederkoms aankondig, bokant 'n gedenksteen van blou graniet. Die eerste groot funksie wat in die onthaalsentrum aangebied word, is die groot *Hoedit-my-tjomma-fees!* die naweek van 1 September (sien bladsy 10). Dit begin reeds Vrydagaand met die Karaoke-kompetisie, en Saterdag is meer as R50 000 se pryse op die spel. Maar die eintlike lekker is die optrede van Sorina, die Flooze. Kontak ds Paul Kern by 082 494 5347 vir meer inligting.



Ds Paul en Veronica Kern



- Neem asseblief kennis dat die **gemeente-tellingvorms** vir Augustus 2012 op Maandag 3 September aan alle gemeentes en predikante gestuur sal word. Die vorms moet **voor of op 28 September 2012** ingedien word. Ons maak staat op u vriendelike samewerking.
- Die **2013 Kerkkalender** is op die Kerk se amptelike webblad www.nhk.co.za (of www.nhka.org) geplaas onder die skakel Nuus en gebeurde → Kalender.
- **Die Huis van oud-Voortrekkermanne** benodig die name en adresse van almal wat inwoners van Voortrekkertehuis was ten einde die **adreslys op te dateer**. Stuur asseblief jul eie name, telefoonnommers, adresse en e-posadresse asook dié van enige ander oud-Voortrekkerman wat jy ken aan Marié van Niekerk by marie@nhk.co.za of Posbus 2368, Pretoria 0001; tel 012 322 8885 x254.
- **Borg kilometers en help ons bejaardes**. Mev Magda van Deventer (redakteur van die Algemene Diakensvergadering se bylaag in *Konteks*) en 'n stapmaat, Avrienne Maritz, stap in September 200 km van 'n pelgrimsroete, die Camino de Santiago in Spanje. Deur middel van borgskappe per kilometer gaan hulle geld insamel vir die **Aksiegroep vir Bejaardes (AGB) van die ADV**. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by diens@diakens.co.za en laat u borgskap aanteken. Meer inligting is beskikbaar op die diakens se webwerf by www.diakens.co.za.
- **Bejaardes en gestremde persone in Pretoria**: Munisipale korting word toegestaan deur die *City of Tshwane*. Gaan na www.diakens.co.za en kyk regs by 'Warm brood' vir die aansoekvorm. Indien u probleme ondervind om toegang tot die aansoekvorm te verkry, kan u in verbinding tree met die sekretaris van die ADV, ds Gerhard Stoltz, by gerhard@diakens.co.za.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies, ABSA, tjekrekening nommer 020-000-287, takkode 632-005; verwysing SENTIK-EM.
- Eredienste in die **gemeentes Reitz en Bethlehem** word weer vanaf 2 September gereeld gehou na die vertrek van ds Berend Greyling na Namibië. Die Ringskommissie het met emerituspredikant **ds Nico Brayshaw** onderhandel om vir 'n beperkte tyd die dienste waar te neem. Reitz se eredienste word om 07:30 gehou, en Bethlehem s'n om 09:30. Navrae aan ds Brayshaw by 082 922 2401 of 058 852 3950.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of nhkdullstroom@yahoo.com.
- Predikante wat kans sien om 'n Sondag in **Harare** te preek, kan **ds Theuns Botha** kontak by camelhors@gmail.com of tel 00263 777008324. Ds Botha hou een erediens per maand in Harare, en die gemeente wil graag meer predikante uitnooi om by hulle te kom preek. Predikante hoef **net die Sondag om 10:00** die erediens waar te neem. Indien die ring of gemeente nie die koste kan dra nie, is die gemeente bereid om daarmee te help. 'n Gemeentemotor is beskikbaar en huisvesting word gereël. Vliegkoste wissel maar beloop ongeveer R4 500 per besoek. Die gemeente het groot waardering vir die Kerk se hulp en bydraes in die verlede.



- **MRCC: 12de Algemene Kerkvergadering (Sinode)**
Maandag 1 tot Donderdag 4 Oktober 2012
Skogheim-konferensiesentrum, Port Shepstone, KZN
Amptelike opening Dinsdag 2 Oktober
Gelei deur ds Jan Mamabolo

Spesiale eredienste en feesnaweke

- **Gemeente Sannieshof: Op uitnodiging**
Geloof-in-aksie Motorfietsbediening van Gemeente Randburg
Naweek van 1 en 2 September
Ter ondersteuning van Sannieshof se basaar (sien bladsy 10)
Sondag 2 September se erediens gelei deur ds CJ van Wyk van Randburg
Navrae aan ds Paul Kern by 018 683 0051 of hartelus@yahoo.com
- **Optredes van leerders van Prinshofskool en Transoranje-skool se gebaretaalkoor**
Sondag 9 September om 09:00: Gemeente Benoryn
Navrae aan ds Marelize Gasson – 011 849 3266
Sondag 16 September om 18:00: Gemeente Wonderboompoort
Magtige Dreuning
Navrae aan ds Carel-Johann de Bruin by 012 335 0040
Sondag 28 Oktober om 08:00: Gemeente Midrand
Navrae aan ds Paula Eksteen-Erasmus by 011 702 3046
- **Gemeente Bosmansrust: Sondag 23 September om 11:00**
Dankfees en Nagmaal
Viering van 125ste bestaansjaar van gemeente
100-jaar-viering van kerkgebou
Alle oudpredikante, vorige lidmate en ander belangstellendes welkom
Ete na die diens
Antwoord asseblief voor 31 Augustus
Kontak Piet Marx by 082 708 6761 of pamarx@lantic.net
- **Gemeente Swartkop: Sondag 28 Oktober: Nagmaaldiens**
Herdenking van 40-jarige bestaan
Gelei deur ds David Barnard, lank predikant in die gemeente
Oudpredikante sal die tafels bedien
Navrae aan Hannelie Beytell by 012 654 3471 of nhswkop@telkomsa.net
- **Gemeente Glencoe: Vrydag 7 Desember: Tyd later bekend**
Buitediens op walle van die Wasbankrivier, distrik Glencoe, waar die Gelofte die eerste keer afgelê is
Kliplegging na die diens
Almal welkom
Bring 'n klip van jou omgewing saam met die naam van jou gemeente
Kontak ds Pieter Bester by 082 899 6564 / 034 212 1815
pieterbester@telkomsa.net

Predikanteverjaardae

- **Die volgende predikante verjaar tot 7 September, en word hartlik geluk gewens.**
 - Vrydag 31 Augustus: Ds Koos Naudé (emeritus)
 - Saterdag 1 September: Ds Tertius Hindley (beroepafwagend)
 - Maandag 3 September: Ds Marthinus van Staden (Gaborone)
 - Dinsdag 4 September: Ds Giel Malan (Newlands)
 - Woensdag 5 September: Ds Deirdre van der Merwe (beroepafwagend)



- o Donderdag 6 September: Ds Paul Buitendag (Volksrust)
- o Vrydag 7 September: Ds Kobus Müller (emeritus)

Beplande vergaderings

- Saterdag 1 September: NHSV Hoofbestuur
Ledevergadering Monument-tehuise
- Maandag 3 September: Komitee vir Kerkargief en Biblioteek
- Dinsdag 4 September: Taakspan van die Stabilisasiefonds
- Woensdag 5 September: Direksie van die Kinderhuise
- Donderdag 6 September: Kommissie van die AKV
- Vrydag 7 September: Kommissie van die AKV

Kursusse en toerusting

- **Gemeente Philadelphia: Vrydag 31 Augustus om 09:30**
Hervormde Tafelgesprek
Tema: *Die betekenis van die opstanding vir die prediking*
Prof Theuns Dreyer sal inleidende stellings voorsien wat bespreek sal word
Tafelgesprek is oop vir almal
Bevestig u teenwoordigheid by prof Lourens Steenkamp (082 874 5213)
of ds Etienne Fourie by egf@global.co.za
- **Predikantevergadering 2012: Woensdag 12 September**
Tema: *In die voetspore van Christus – spiritualiteit in die Kerk*
Plek: Gemeente Swartkop
Adres: Irelandlaanverlenging, Eldoraigne
Tyd: Registrasie 08:00, opening 09:00, tot ongeveer 13:30
Enkele mededelings vanaf die Kommissie van die AKV om 13:30
Koste: R120 per persoon, geen koste vir emeriti
Stuur inligting oor lief en leed sedert Oktober 2011 aan Karen Breedt
by karen@nhk.co.za voor of op **Vrydag 31 Augustus**
Verskonings aan ds Marius Bacon by baconm@telkomsa.net of 083 297 6135
- **Instituut vir Kerkmusiek in Suid-Afrika (IKSA)**
Diploma in Himnologie 2012-2013
Let op veranderde datum vir eerste byeenkoms: 15 September 2012
Kursusfooi R800 per persoon per jaar
Skakel met dr Elsabé Kloppers by iksa@absamail.co.za of 012 429 6589 (k)





*Geloue
gesins
esprek*

"Sagte-oë-ouerskap"

met aanbieders
Ewald en Beatrix van Rensburg
Bemagtig jouself om jou kind(ers)
emosioneel gesond groot te maak!

Koste R200 per persoon
(alle etes, verversings, seminarmateriaal ingesluit)
Kontak Esmé by 083 228 0075 of 012 567 1753

14 - 16 September 2012

'n Seminaar vir alle ouers

- voornemende ouers
- enkelouers
- ouers in hersaamgestelde gesinne

NEDERDUITSE HERVORMDE KERK

Montana
bv Jan Bantjes- en
Azanzastraat, Montana,
Pretoria

- **Gemeente Glencoe: Toerustingskursus: Saterdag 20 Oktober**
Op reis – 'n dienswerkreistas
Deur ds Hannes Janse van Rensburg van Zuurfontein
Registrasie 08:00, kursus begin om 09:00



Koste R60
Kontak ds Pieter Bester by 082 899 6564 / 034 212 1815
pieterbester@telkomsa.net

- **Gemeente Pretoria: Woensdag 31 Oktober vanaf 09:00**
39ste Kongres van die Kerkhistoriese Genootskap
Tema: *Die Godsbegrip – Reformatoriese perspektiewe*
Opening deur prof SJ Botha
Prof IWC van Wyk (AIM): *'Die eerste gebod en die God van die eerste gebod'*
met verwysing na Philipp Melanchthon en Zacharias Ursinus
Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*
Ledevergadering 11:30-12:00
Afsluiting 12:00
Uitstalling van gedenkpennings en historiese munte
Navrae aan dr JMG Storm (083 308 1030 / nhmeyerspark@lantic.net)
of dr Christo Pretorius (083 651 9634 / praetorc@telkomsa.net)

Beskikbare behuising

- **Ons Tuis (Riviera)**
Tehuis vir versorging van verswakte bejaardes het tans plek beskikbaar
Volledige versorgingsfasiliteit wat insluit:
 - o 24-uur mediese versorging
 - o 3 maaltye per dag
 - o Sekuriteit
 - o Gereelde sosiale aktiwiteiteVir meer besonderhede, skakel matrone E Mans by 012 329 3623
Aansoekvorms kan afgetrek word van www.otmt.org
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**
Behuising vir seniorburgers
Daar is tans die volgende behuising beskikbaar:
MET VERSORGING
1 dubbelkamer (verkieflik 'n egpaar) – 24-uur-versorging
Koste per persoon R5 500 per maand
(sluit in 3 etes per dag, wasgoed en kamer skoonmaak), opnamefooi R3 000
SELFVERSORGING
 - o A-gang: 1 enkelkamer, R3 050 per maand
(ingesluit 3 etes, wasgoed en kamer skoonmaak 1 x per week)
 - o B-gang: 1 dubbelkamer (egpaar) – R3 050 per persoon
(ingesluit 3 etes, wasgoed en skoonmaak van kamer 1 x per week)
 - o H-gang: 1 ruim kamer met eie badkamer, stoepie en tuintjie
(ingesluit middagete) – R3 000 per maandEenmalige opnamefooi van R3 000
Ondersteunende dienste beskikbaar
Kontak matrone Alet Botha by 056 811 2185 vir meer besonderhede

Konserte en feeste

- **Vrydag 31 Augustus: Gemeente Rustenburg-Suid: Konka-konsert**
Bok van Blerk (On)Bpk
Kockstraat 153, op gemeenteterrein
R100 vir volwassenes, R40 vir laerskoolkinders
Kuiers rondom die konkavuur onder die sterre, en luister na sy stem
Hekke stiptelik om 17:00 oop, ook kaartjies by hekke beskikbaar
Bring net jou eie stoel
Kaartjies beskikbaar by Pen en Ink (Square Spar),



Rustenburg Factory Deli (hv Beyers Naude en Zendingstraat)
of skakel die Deli by 014 592 4716 of die kerkkantoor by 014 592 2364
of Frikkie Krüger by 082 445 4336

- **30 Augustus tot 8 September: Gemeente Delmas**
Jerusalem, Jerusalem!
Interkerklike opvoering, by NG gemeente Delmas-Wes
Vir meer inligting, kontak Martin Rossouw by 082 410 1936
- **Saterdag 8 September: Gemeente Glencoe: Klavierkonsert**
Rocco de Villiers
18:00 vir 18:30 by Laerskool Glencoe
Volwassenes R100, kinders onder 12 R50
Iets te ete en drinke sal aangebied word
Kontak ds Pieter Bester by 082 899 6564 / 034 212 1815
pieterbester@telkomsa.net

Kampe en toere

- **Toer op Bybelse voetspore...**
Egipte, Israel en Jordanië
4-18 Desember 2012
Kontak ds Hannes van der Merwe by 082 575 1979
of hannes@pretoriaoos.com vir meer inligting

Kompetisies en fondsinsamelings

- **Gemeente Brits: Boufondsversoek**
Dra by tot die gemeente se boufonds
SMS **KERK** na **48716** en dra R10 by
Fondse word gebruik om die geboue te herstel
Meer as een SMS is baie welkom
Navrae aan ds Kobus Celliers by 012 252 0158
- **Gemeente Sasolburg-Suid: Vendusie**
Saterdag 1 September stiptelik om 10:00
In parkeerarea regoor Midas langs PicknPay-sentrum in die dorp
Van 'n skoenriem tot 'n dooie soldaat word opgeveel
Onder toesig van 'n afslaer van Lichtenburg
Reël vooraf om eie items te bring @ fooi van 15%
Navrae aan ds Lisa-Mari Swanepoel by 083 943 4561
of Elize by 083 412 5802
- **Gemeente Hartebeeshoek: Saterdag 8 September**
Jaarlikse Lenteloop
By Fonteinedal, Pretoria
Tema: *In sy voetspore*
Stap/draf begin stiptelik om 07:00, inskrywings vanaf 06:00
R20 vir 5 km, R40 vir 10 km, laerskoolkinders halfprys
Oud en jonk, stootwaentjies en honde – almal welkom
Te koop: vetkoeke, boereworsrolle, pannekoek, koffie, tee, cappuccino
Kontak Inus Botes by 082 908 2889 of Andries Nieuwoudt by 073 313 1220
- **Gemeente Hartebeeshoek: Fotokompetisie**
Tyd om kameras op te neem en te begin soek na **VOETE** en/of **SKOENE**
Tema: *In sy voetspore*
Reëls en voorwaardes geld
Goeie pryse met professionele beoordeling
Kontak Theresa Oosthuizen by theresa@northernfoods.co.za



- **Gemeente Leeudoringstad: Kompetisie om Doringfees bekend te stel**
Pakkette beskikbaar, ook aan gemeentes
R1 000: 20 boekies ter waarde van R10 000
(gemeente kan dus R9 000 wins maak)
R2 500: 50 boekies ter waarde van R25 000 (wins R22 500)
R5 000: 100 boekies ter waarde van R50 000 (wins R45 000)
Kaartjies slegs R50 elk – en 11de kaartjie in die boekie is gratis
Trekking Saterdag 29 September om 12:45
Kontak Berno Robinson by 082 395 9241
- **Gemeente Horison Roodepoort: Naweek van 26-27 Oktober**
Liturgiese blommeskou by die kerk
Alle blommeranskikkers word genooi om in te skryf
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**
Trekking: 27 Oktober 2012
Wen naweek ter waarde van R28 000
3 nagte verblyf vir 2 persone in 5-ster Kapama Lodge
(alle etes asook wildritte ingesluit)
Olifantritte, lugballonrit, spabehandeling in hartjie van Bosveld
Besoek aan Cheetah-projek in Hoedspruit
R2 000 sakgeld
Kaartjies R100 elk
Navrae aan ds Marius Kramer by 083 310 6042
of by gemeentelike kerkkantoor kampersrus@nhk.co.za

Basaars en markte

- **Vrydag 31 Augustus: Gemeente Swartkop: Basaar**
Tema: *Op die markplein*
Van 14:00 tot laat
Kom kuier gerus die dag saam met ons
Daar is baie kos, gebak en speletjies
Kontak Van Rooy van den Berg by 072 199 3900
of die gemeentelike kantoor by 012 654 3471
- **Vrydag 31 Augustus en Saterdag 1 September: Gemeente Tzaneen**
Karnaval
Tema: *Koekeloer Wêreldtoer*
Vrydag vanaf 11:00
Kleurvolle kosstalletjies verteenwoordig verskillende lande
Gaskunstenaar Pieter Kotzé
Volksdanse
Saterdag vanaf 08:00
Lekker plaasontbyt, SAVF-trompoppies, Mej Lentefees / Lenteknapie
Heerlike eetgoed, groente en vrugte, plante, handwerk, ens
Navrae aan nhkerktzn@mweb.co.za
of gemeentelike kerkkantoor by 015 307 4508
- **Saterdag 1 September: Gemeente Rustenburg-Suid**
Willerste Noordwestefees
Tema: *Willerste Fees onder die reënboog*
Is daar 'n goudpot aan die einde van die reënboog?
Is oom Paul Kruger se miljoene iewers in Rustenburg begrawe?
Hope optredes, verskeidenheid produkte te koop, vermaak vir oud en jonk
Wen 'n 1-ons Goue Krugermunt ter waarde van R15 000-R18 000,
afhangende van die goudprys
Kockstraat 153, op gemeenteterrein

Net 300 kaartjies teen R100 elk
 Wees op 1 September om 12:00 by die reënboogstalletjie:
 In een van 300 kolwyntjies (*cupcakes*) gaan die muntstuk versteek wees
Jy móét teenwoordig wees om die prys te ontvang!
 Skakel 014 592 2364 vir inligting en kaartjies



- Saterdag 1 September: Gemeente Koster: Karnaval**
 Vanaf 08:00 by die skool
 Lekker baie, en baie lekker eetgoed, ontbyt, pannekoek, vetkoekburgers
 Kerrie-en-rys, potjiekos, vars vleis, biltong, tuisgebak, basaarpoeding...
 Musiek, ballet, karate, kaskenades vir kinders, kameelritte,
 landloop, krieket en nog en nog!
 Verskeie interessante stalletjies, kom maak 'n draai
 Navrae aan Belinda Smith by smith.belinda5@gmail.com of 083 627 0584
- Saterdag 1 September: Gemeente Mafeking: Flower Power Lentebasaar**
 Op die kerkterrein
 Wen pryse van R10 000 – 'n bees/R4 000
 of 2 nagte midweek vir 4 persone in wildreservaat by Bloemhofdam
 Om te kwalifiseer, maak donasie van R50 of veelvoude daarvan aan gemeente
 Prystrekking op 1 September om 15:00
 Kom skenk bloed maar eet eers 'n stewige maaltyd
 Verskeidenheid kos en drinkgoed
 Saailinge en plante, troeteldiere, voëls, kunswerke en ornamente
 Isle de France skaaplamm, varke, rooibokke en unieke meubels op veiling
 Vermaak vir die kinders
 Gehalte musiek deur Lichvaal Stereo
 Navrae: Kallie Landsberg (079 893 9031) of Nelia Landsberg (083 665 6239)

Bokkefees

NHK MONTANA
 hv Jan Bantjies- en Azanzastraat, Montana 2012

Kom geniet die dag saam met ons!!
7de Laan-akteurs "Oom Oubaas" en ander!!
 Wildgeregte, Biltong, Gebak, Vleis & wors, Pannekoek, Groente, Afval & Pap en nog baie meer!

Bokkefees Boogskiet
 Boslaan-in-die-Stad-kompetisie
 Pretboogskiet (vir Kinders - NASP)
 Vermaak vir kinders

1 September vanaf 08:00
Kontak Esmé by 083 228 0075 of 012 567 1753



- **Saterdag 1 September: Gemeente Ventersdorp: Basaar**
Vanaf 09:00
Kom geniet die plattelandse atmosfeer
Baie vleis en eetgoed
Navrae aan nhkven@lantic.net
- **Saterdag 1 September: Gemeente Sannieshof: Hoezit-my-tjomma-fees!**
Kom kuier saam met ons en die *Flooze*, Sorina
Bring jou rooi baadjie vir die *Flooze-look-alike*-kompetisie en wen R6 000 se pryse
Met Geloof-in-Aksie Motorfietsbediening van Gemeente Randburg
Is jy bang vir niks? Wen R2 000 in die *FEAR FACTOR!*
Is jou goed met ysters? *Kom strip jou moer* en wen 'n Inverter sweismasjien en 3 gereedskapstelle
Van voor af verlief? Wen 'n prinsessnit, 0.7b kar diamant van R15 000
Vang regte vis, skiet met aartappels en wen R1 000
Moenie jou koelboks vergeet nie vir goedkoop kwaliteitvleis
Toegang gratis
Kontak ds Paul Kern by 082 494 5347
- **Saterdag 8 September: Gemeente Bothaville: Kaboemieliefes**
Met DJ Ossewa en Adele Botes
Op die kerkterrein (Careystraat 39)
Heerlike kos: braaivleis, potjiekos, roosterkoeke, sosaties, ens
Kom geniet 'n heerlike plaasontbyt met lewer en pap
Verfbal en Kinderland vir wonderlike vermaak
Groot pryse om te wen: 10 speenkalwers as 1ste prys (kaartjies R100)
Uitstallers, vlooiemarkstalletjies, ou karre en ou trekkers
Navrae by kerkkantoor 056 515 2673 of henniepretorius@lantic.net
- **Vrydag 28 tot Sondag 30 September: Gemeente Zeerust Bosrumoer**
By Doornrivier 4x4, Zeerust
Kontak ds Barrie Oberholzer by 082 211 7926 of bosrumoer@gmail.com
<http://www.bosrumoer.co.za>
- **Saterdag 29 September om 09:00: Gemeente Leeudoringstad Doringfees**
Gaskunstenaar Sorina die Flooze
Navrae aan gemeentelike kerkkantoor by 018 581 2055
of nhkleutjies@nwet.co.za
- **Saterdag 29 September: Gemeente Coligny: Wielefees**
Beleef grootste ontbytrit nog in die Noordweste
Veteraanmotors, nuwe motors, omgeboude karre en motorfiets
Sommer langs hoofpad by Shell Ultra City uitgestal
Stalletjies met heerlikste gebak, pannekoek, burgers, geroosterde toebroodjies, worsbroodjies en roerbraai
Pret vir die jonk van hart, verfbal, skyfskiet, springkasteel
Kom probeer die meganiese bul ry!
Kontak Jan Haywood (motorinskrywings en uitstallings) by 084 514 7050
of Jan Jordaan by 083 468 6700 vir algemene navrae en rigtingaanwysings

ANDER NUUS

- **Loslitdag Vrydag 7 September**
Ondersteun persone met gestremdhede
Projek word geadministreer deur Nasionale Raad vir Persone met Liggaamlike Gestremdheid in SA

Loslit Dag
Vir persone met gestremdhede





Ondersteun vanjaar die Transoranje Instituut vir Buitengewone Onderwys (TOIBO)

Koop jou plakker @ R10

Kontak Arina Jooste by 012 320 7644 of toibo@nhk.co.za

en bestel jou plakkers

Borgliggaam vir: Hoërskool Martie du Plessis vir Serebraalgestremdes, Prinshofskool vir Gesiggestremdes, Sonitusskool vir Gehoorgestremdes, Transoranje-skool vir Dowes en

Transvalia-skool vir Epilepsie en Leergestremdheid

Koop jou plakker vandag nog en wys

jy gee om vir 'n kind met 'n gestremdheid

- **Beeld-kinderfonds 2012**

Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of oraad@telkomsa.net. Die bankbesonderhede is soos volg:

Die Ondersteuningsraad

ABSA

Tjekrekening

Rekeningnommer: 000602795

Takkode: 323 345

Beskrywing: Kampfonds

- **BYBELGENOOTSKAP-PROJEKTE**

- **Saterdag 1 September: Blomme-vir-die-Woord-fees en Lentetee**

Bybelhuis, Durban

R40 per persoon

Kom kyk en/of neem deel

- **Vrydag 7 September: Sakeontbyt**

Jeffreysbaai

Navrae oor bogenoemde aan biblia@biblesociety.co.za

- **Dinsdag 9 Oktober: Gholfdag**

Gelyktydige begin 11:00 te Serengeti-gholfklub

Betterball Stableford: R3 000 per 4-bal (sluit aandete in)

Kontak Jenene Bernhardt by 011 552 7208

of jenene@serengeti.co.za

- **INTERNASIONALE KINDER- EN JEUGKONFERENSIE**

26-28 September

Fakulteit Teologie, NWU, Potchefstroom

Gerig op predikante, kategete, ouers en almal wat met kinders en die jeug werk

Verskeie gesamentlike en parallelle sessies

Wetenskaplike én meer populêre lesings

Sprekers: prof Malan Nel; Craig Groome; Marius Storm; Petra Kollege;

ongeveer 30 ander



Konferensiegangers is vir eie huisvesting verantwoordelik
Kry inligting oor gastehuse by

http://www.potchefstroom.co.za/accommodation/acc_guest_houses.html

Navrae aan dr Rudy Denton by 018 294 3509 of rudy@nhk.co.za

Nuwe notuleboek nou beskikbaar!

Prys: R495.00



e-aankope: www.bybelmedia.co.za

Hierdie splinternuwe notuleboek vir
algemene kerklike gebruik:

- is gestandaardiseer
- voldoen aan die voorskrifte van die kerkorde
- is deur die Kerkargief op Stellenbosch goedgekeur
- bevat 500 blanko bladsye om notules in te plak sonder om te knip.

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies

ABSA Bank

Tjekrekening nommer 020-000-287

Takkode 632-005

Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

Lidmate van gemeentes waar 'n kerkraad moontlik met meerderheidstem besluit het om kerklike eiendom te vervreem en andersins in stryd met die Kerkorde optree, se lidmaatskap van die Hervormde Kerk kan daardeur in die gedrang kom. Lidmate wat deel wil bly van die Nederduitsch Hervormde Kerk van Afrika, word versoek om op een van die volgende maniere met die Kerk kontak te maak:

- SMS jou naam, gemeente, kontaknommer en e-posadres na 074 406 6303 (slegs SMS'e, nie oproepe nie). Die Sinodale Kerkkantoor sal jou binne 7 dae kontak.
- Telefonies: Skakel mev Marié van Niekerk by 012 322 8885 x254.
- Stuur 'n e-pos na nhk@nhk.co.za.
- Kontak jou gemeente se konsulent, of 'n ander predikant in die ring. Hul inligting is op die Kerk se webblad beskikbaar by www.nhka.org (onder So werk ons / Predikante).

Die Kerk sal hierdie inligting met groot sensitiwiteit hanteer.

AGTERBLAD



In *Konteks* van September 2012

- Leef na die voorbeeld van Christus
- Hoe stig ons 'n Aksiegroep vir Bejaardes?
- Maak kennis met gemeentes in die ring van Krugersdorp

Slegs R15 per individuele uitgawe

Bestel by sentik@nhk.co.za of by u gemeentelike kantoor



In *Die Hervormer* van September 2012

- Elektroniese netwerke en die gesin
- James Lovelock en die Gaia-teorie
- Hoe gemaak met die Kerk se eiendomme?

Slegs R10 per individuele uitgawe

Bestel by sentik@nhk.co.za of by u gemeentelike kantoor